

張文忠公文集

七



張文忠公文集卷第十八

碑銘

析津陳氏先塋碑銘有序



延祐丙辰夏走以禮部侍郎征舶泉南迴遇資
 善大夫雲南諸路行中書左丞陳公于京師間
 過所寓曰不佞起寒微叨仕中外職風紀者九
 內焉監察御史外焉僉按察司事河東副廉訪
 使山東陝西河北使則雲南山南浙西行臺侍
 御史則江南職民者六在沅為判官在泉為治
 中刺雄孟州二兩尹平陽潭州職簿領則入省

雲南類書卷十八

一

碑

為都事右司大都路為知事兵馬都指揮司為
 都目奉使宣撫則江右閩中叅行省政則甘肅
 河南肇釋褐凡廿轉而至今職非其先世有冥
 行疇克顯歷若是向嘗託子銘先塋以追封旨
 未下故緩今吾大父某由仕金懷遠大將軍知
 河南路 陽縣追封正奉大夫中書叅知政事謚
 忠敏吾父某追封集賢學士資貞德大夫謚孝節
 皆侯薊郡祖妣時氏妣石烈氏從其郡皆夫人
 維是二代百餘年幽潛今炳焉一旦而僕也又
 有 旨諭中書擬擢近地雖生死肉骨罔克為

報子其具文諸石以見 國渥之殊先德之懿
臣子千百年不一際之盛切謂厥今詞臣林立
奚彼之捨顧於譎焉末學是徵豈公貳憲山東
時走知爲深與且走初掾儀曹寔用公薦遂不
敢辭謹按陳以國氏厥望不一惟河東爲最著
由兵燹逸其譜莫克遠系曾祖考矜字嘉善壘
太原陽曲之李家山雖言行無所考觀其字可
知爲慈祥人祖考即正奉公諱聚字鍾秀金之
南播徙家析津春秋九十有三卒改兆宛平濼
園之樊村考即資善公諱公濟字濟民志尚恢
遠義於施與視名宦澹然鄉里仰其高以處士
目之四子曰泰曰時中曰鵬曰英舉教之儒或
曰胡不各殊其業而一於儒緩急恐無所倚母
夫人聞之曰吾非不知時方艱棘但吾奕世詩
禮家若隸彼失此是先世清望自我而墮人其
謂何筮仕勉以公忠清泰制國用使司掾早世
時中少中大夫知真定中山府鵬鄧新萬戶府
經歷舉循飭如所訓女一適大原王氏英即公
字彥卿沉毅有才略蚤受知御史大夫太師忠
武王月兒魯那演嘗從見

世祖皇帝儀度若素官上屬目久其判沅州思
播洞寇相挺構亂長吏莫敢敵公設伏於險要
悉出銳擊之遂潰其僉憲河東憲長麻合馬以
怙冒兼儲特所恣行不若牟西京征權之利凡
三路糧以石計五萬鈔以定計二萬有奇聲臯于
朝遂論如律其貳憲山東曲阜林廟洒掃戶爲
縣官奄有公謂彼戶置自漢唐何堂堂聖元獨
不足此迄上章復之宣慰使樂實侍中有援橫
山東旣効罷未幾復任輒復効會移節陝西乃
已陝西監憲其以事杖西王鷹師師馳訴于

上命以杖復公謂臬司職在視奸詎可因一嗇
夫之言自塗耳目后有奸其孰肯繩

上乃釋然其行臺雲南言獠民鳥獸利馴病逆
宜頒經書州縣漸入其心其宣撫江右閩中官
若吏以墨去者數千沒賄之麗稱是其便民事
傍近揭而例焉其叅政甘肅幽王木伯總兵西
陲將輟戍卒萬人耀武其地需責星火公言邊
事實貴不擾無釁而動適生戎心况時未水草必
致人畜胥乏廷是其策止之大抵公行善果料
事明待朋游誼以信蒞官忠確不絲毫利害計

今春秋七旬神若志益強且壯嗚呼世之積善者鏡此則其孜孜自效爲何如夫人繼室郤氏何氏一子直方女一人適故游平章孫僕銘曰陳氏氏國代聞藝德前晦弗揚繫后之赫厥赫斯何風紀游膺有市其奸趾滅角崩或云司憲弗克民字四握郡府顧指而治或云近易靖遠孔難深入瘴氛衆安以安孰材野遺公則連舉何物未春公則霖雨用世有具曰武曰文人一猶難公備乃身矧夫昆季畢途於仕青紫一門又世之異原其致此伊昔匪今 世錫榮

君恩海深維不能林職由本固沔彼流泉源浚之故有山在西翼厥斧封爰碑其間尚與始終 晉寧張氏先塋碑銘有序

延祐丁巳春走以禮部侍郎監雜興和時總府治中張君敬甫寔董其入見其遇事不難繁劇以身先衆風雨無所避余甚倚之一日過所寓曰德聚猥以涼謫由詹事院掾事

皇上潛邸始焉承務 卽都總管府知事次焉承直卽御帶庫使迨

上正位宸極改隆興路判官隆興

世皇湯沐邑也其長吏以下皆

上所親選有司第制勅焉甫瓜代復陞今職階
奉議大夫惟是四遷舉出

特命比以恤典又追封先考福奉議大夫冀寧
路汾州尹母劉從封永和郡君非荷 國鴻禧
暨祖宗餘祉奚以及此日將植碑先塋用侈異
數且俾我后人尚引無替敢百拜以銘文累子
切惟張氏之族甚蕃衍于代而走也寔所同出
按事狀張氏其先關中人高王父仕金鎮西副
元帥曾大父逸其諱王父大亨皇冀寧石樓縣

尹敦誼喜施沉毅有材斷利害敢以身任歲淫
玄枵即蠲民租調且散已有濟人就饒他所者
復則具畀其遺民迄今德之因家石樓享年八
十有四卒塋其縣南五里某邨先塋祖妣晉氏
劉氏祔焉三子福祿惠祿以精法律辟晉寧路
吏蚤世惠善殖生雅不喜仕福即君之考字仁
甫和厚而義綽有父風蚤以時艱失學而所行
若素讀書者享年五十有二比卒遺言子若姪
欲固本者當茂其枝欲大其宗當昆弟是睦夫
祖與吾相距雖遠要自一氣而分后人昧此遂

於昆仲間恩義寢薄或闢墻或異蹊或路人殊
或至相仇殺是不知傷其枝猶傷其本也汝曹
其母蹈此爲世僂笑子四人德聚即君德元世
用德輿母氏永和郡君今春秋八袞神明不衰
猶勤女功不置則其艾年治內可知祿三子德
興志德給事

皇太后宮中咸克佩服先訓合族而居極其和
孺若是前后數世未嘗一有間言君先娶郭氏
前十年卒贈永和郡君一子某再娶倪氏中奉
大夫淮西宣慰使鳳山公之女生子輒殤從封

如郭氏自余游奉議君數月因熟其人蓋精敏
有幹局者也嘗言十六七時從汾州君如京師
早行保定山中因憇於道爲數寇竊其行橐以
去君援弓躍馬追射之連發連斃二盜餘皆走
翳林薄間呼使逆相縛執卒無一人逸者其時
微君侍行汾州君幾殆人以孝童目之今年垂
七旬膽膂尚不殺舊可卜其來未艾也銘曰
維吾之張始由弓氏青陽遺苗代有令器厥族
孔殷克述克繼派之四方西者尤熾於鑠石樓
百里是治孰寒而眺我衣之賜孰飢而逋我粒

其至其布優優其持惴惴其施祈祈其立暨暨
凡今尹民鮮不民噬疇金肯捐而民之利使大
厥遺澤詎已是于棘止鸞以箱服驥云不能揚
顧豈余罪位然弗充行則云脩旣壬旣林胡彼
言愧宜后之人世燬無替或長百夫或中給事
或佐大藩或家養志孝斯克忠忠則斯義埴麓
一門爲瑞當世咄彼同居以忍爲異人而不天
終必逝棄曷思本支始焉一氣其愛之生胡寧
有旣殊渥荐膺匪德焉致邇遠胥祭存歿咸被
我銘于堅永載攸示

資德大夫中書右丞議樞密院事陳公神
道碑銘

九河可障欲難窒三軍可衄正人之氣不可撓
嗚呼如緱山先生陳文靖公剛焉不詘於欲正
焉不撓於邪其立朝大節毅然視古社稷臣無
慚德此天下之公論非出於區區臆見之獨也
公諱天祥字吉甫其先趙州寧晉人由兄祐爲
總管河南遂徙家焉中統初李璫盜據濟南潛
與宋通好河南河北宣慰司承制署公千夫長
偕諸將東脩宋璫誅歸鄉里家故貧力田偃師

山中暇則講經授徒聲聞日著由密邇緱氏山故世稱緱山先生云至元十一年

世祖皇帝命左丞相伯顏將兵伐宋瀕江立招討司且括民間兵械而興國軍遂搖郢復州招討司以公世隸兵籍辟爲經歷鄂州行省移公攝知興國至則灼厥亂故上書行省叅政賈居貞寧暴戢奸辟猶伐病先實元氣邪自索焉初奸人乘間連結椎剽所過土崩公私無一人敢與角者內弱如此圖外誠難今痛猶未定若復動相疑貳拘兵益嚴將恐彼亦生心康輯無日

惟宜徐驅緩導拊其所傷則民感吾誠兵適我用矣行省爲然併許從宜以治乃順民所欲利者興而逆者以除曾未朞年遂成樂土吏白市有謀請捕之公曰彼見吾政如是歸必語其黨與乃吾流亡之招也奚捕爲自是遐邇聞風踵歸恐後至元十三年改鄂州行省爲宣慰司叅政賈公鄭萬戶皆宣慰使以省檄未下不知所長賈移疾不出賈素得江湖間百姓心公走謂相君不出衆必驚撓班次事小一方軍民事大

公其長鄭以需省檄脫公爲長不愈自上殺之

下乎賈悟即出視事會壽昌黃州盜起宣慰使
鄭公將兵擊之至樊口敗死士卒還言賊盛且
銳將攻陽邏堡鄂城門晝閉民兇兇不能市時
諸兵皆隸叅政忽都帖木兒麾下公見其猶豫
無出師意謂叅政賈公陽邏堡阻山而壘賊所
不能攻政使其來是授首於我况僞邀輕動南
寇常態以我突騎當之其敗可旦暮莫勝此則
江南諸郡自靡矣賈白忽都帖木兒且以義激
之遂引兵出城賊波駭潰散死者十六七始將
士聞賊至咸謂賊聲攻陽邏堡實擊鄂州城中
必有內應宜盡捕大姓防患未然賈公不可衆
執愈堅公曰此州宿重兵不少使賊能翔亦無
從而至其主是議者不過利彼財物耳由是衆
議遂格宣慰司以公有文武才使攝壽昌府事
且發兵衛送至境公謂治盜上平定安集否則
相挺爲亂流毒善良乃下令使自相招誘悔者
聽還其業無業者從所欲居惟擒首惡一二論
上宣慰司其餘獄繫及他囚凡五十六人至日
召語曰若亦思而父母丘隴乎皆釋桎縱歸期
三日復獄及期果復無一人逸者宣慰司以公

是舉可勸未服遂皆原之后四十年民追思不
已爲建生祠二十一年拜監察御史先是中書
右丞盧世榮以掎克柄政中外病之御史中丞
崔或劾奏

世祖怒下吏按問幾殆左司郎中周戴微若反
唇坐以廢格奏杖一百舉朝凜凜相戒公拜章
言其先爲江西運使入賄與自盜鈔以定計如
千金銀以斤計如干茶以引計如干又謂國與
民相爲一體民病斯國病民安斯國安今乃擬
一歲之期營數十年儲積非白取下厥計無從

苟行其言必賈怨天下况宰相重任非彼所堪
臣非不知言出禍隨以事關國家有所不避章
凡數千言大義若此上覽其奏遣邇臣諭旨汝
盡乃職爲朕朕其忍以言罪汝言出禍隨詎必
云爾也後盧世榮誅天下想望風采矣其年五
月遷奉訓大夫吏部郎中二十三年四月拜治
書侍御史出覈湖廣省出納道鄂聞行省臣要
束木倚中有援橫無所忌乃發其奸利十數奏
未下私繫公獄摧脅百至而公恬不爲動凡幽
四百餘日惟取四書環披徧攷心究而身體之

有所疑即著論以辨略不以死生禍福纖介後
會赦乃出二十八年改朝請大夫江南諸道行
御史臺侍御史明年以疾去再授中順大夫燕
南廉訪使甫上換使山東時 朝廷遣使郡國
議弭盜公謂盜有可矜有不可矜由歲惡時屯
爲者可矜治平數犯懷迷不知返者不可矜非
嚴刑無以剗艾且頻赦不足化盜適以資盜俄
濟南屬邑獲劇賊數人公命市曹令衆生杖殺
之同僚不可公曰比歲盜興職所在二千石姑
息吾今權宜以行若 朝廷當擅殺老夫自承

萬不汝逮既而治盜詔下具如公策所部有妖
婦自言爲男子茹寃未雪徧控諸郡皆以爲神
不敢詰公虞其惑衆階亂杖而遣之或曰真鬼
神陳公且欲治况假之者耶大德三年移使河
北辭疾家居遠近以訟求直者雲簇其門至徙
避他所六年拜嘉議大夫江南諸道行御史臺
中丞 朝廷方事西南夷公上䟽噐莫凶兵事
莫危戰聖人不獲已乃用去歲行省右丞劉深
不度易難請兵遠征多婦國行未及半變生八
番傍虜乘之地喪師燔奉頭鼠竄後復發陝西

河南諸道民爲兵數萬命平章劉國傑將之期
以必取轉輸益亟所在弗堪且聞所徑委陘多
崇山盲嶺惡林毒草群獠安沈疔瘡疹出入獸
如圖其地不可郡縣版其民不可衣冠故歷代
外之不中國齒設使彼聞大軍且至或壁阨以
老我師進退兩窮噬臍何及粵自 朝廷征倭
國占城交趾諸蠻以來今三十餘年未聞得尺
地一民而所費奚萬萬億啻此其爲鑒詎不至
近且明今宜先棄劉深市傳首以諭遠人繼遣
使奉璽書開以福禍懷以恩信如仍爲害命將
徂征亦未爲晚昔大舜班師有苗格漢趙充國
緩戰羗虜降經史著之足爲世鑒明年四月赴
召中書拜集賢大學士中奉大夫商議中書省
事八月地震河東尤甚民壓死數十萬敕丞相
御史議公援古喻今推本天人上數十事奏皆
報可以其言祕故外不克知及還
上遣使追及通州賜楮幣五千緡以無功辭或
曰昔二踈去漢未聞辭賞公曰辭受在人何得
前輩相律九年五月授今職時年七十有六凡
五返訖不起

仁宗皇帝在潛邸素熟公名追之國懷孟遣使
賜酒若幣仍勅長吏歲時告存其爲

累朝器重如此始爲招討司經歷諸將以久駐
此無家恐無以固衆志命各置侍妾獨難公一
日飭逃良家子有絕色者來公曰諸君自安吾
無庸此卒却之其權壽昌得賊所盜戴姓金四
定召以付之其人辭曰賊初獲我自謂必死公
既擒彼此身即公所活願奉其半以爲公壽竟
皆付之公平生喜淡泊世俗所嗜無一動其心
居則閱經史出惟一僕自隨后躋顯要家無毫

三十一
卷八十八
十三

黍增朝服亦其足者及臨大節毅焉不可
奪故走謂公剛焉不詘於欲正焉不撓於邪者
以此嘗著四書集註辨疑十五卷四書選注二
十六卷雜文若詩號田居集八卷或謂四書辨
疑公雖不作亦可切謂人非生知孰能無疑疑
而辨焉乃講學之事昔司馬溫公疑孟子歐陽
文忠公疑系辭固不害其爲大賢也天不憖遺
延祐三年四月二十六日得疾薨正寢享年八
十有七葬其里嘉禾鄉之蔣氏邨贈資德大夫
中書右丞上護軍追封潁川郡公謚文靖曾祖

懷曾祖妣范氏祖忠贈昭文館大學士中奉太夫護軍追封河南郡公謚昭懿祖妣張氏從封河南郡夫人考子安贈如公謚文康妣趙氏張氏並封河南郡夫人文康二子長即祐字慶甫號節齋學行與公相頡頏事

世祖朝仕至浙東宣慰使死南寇亂次爲公時人以二難目之夫人張氏以賢淑聞前卒壽八十后七年啓其藏祔公容貌若生三子長孟溫朝列大夫泰安州尹次叔良將仕郎登封縣主簿次季恭年四十八卒女子二長適翟氏次適

張氏孫男六孫女十有一曾孫男五公卒之五年當至治元年十一月朝列君孟溫自泰安遣其子允中奉幣若事狀來濟南請銘於余切惟公一代偉人當求一代名筆發之走向人敢命之辱辭不允乃反幣按事狀謹爲銘曰

若昔正人曠代一二維民具瞻爲國元氣漢有汲黯吳有張昭魏狄聞唐韓冠宋朝迨我

皇元光掩前古將相大臣中外接武國人尤異初不假書凡厥言論乃書與俱其在儒流許王斯寂厥後卓然公殆其對早賓戎幙適丁寇紛

緩頰出奇可百戰勲衆部龍言惜一省惜愕言試
于民所至神若相其良否與時直也憂焉斯寒
煦焉斯春迨其揚廷洸洸巨犯連柱大奸斧鑕
無憚其誠斯金彼物維火百千從陶色不易頰
雖其學問是藉是資亦由厥德神密相之蓋古
有云正人猶虎高步于原不若咸沮昔聞今見
天胡忍效豈伊群黎爲福亦薄使當鈞軸以弘
以久措世泰和特一反手然是未酬所存者大
立懦廉頑百世攸賴莫堅匪石莫易公論詩以
揭之彌遠彌信

張文忠公文集卷第十八

張文忠公文集卷第十九

碑銘

濟南陽丘許氏先塋碑銘有序

走甫七歲而外家許氏盡室自歷下徙居于江之南尚記先妣携某祖西城門外俱哭失聲而別時某漠然不知爲何悲迨年十三先妣薨謝既而又聞外王父若母相繼卒時某頗有所知切自言負何罪天壤間既早失母又失外王父雖有舅氏輩一二又邈焉數千里外死者生者皆不敢必其見矣至大改元走由太子文學拜

雲莊類稿卷十九

監察御史而表兄伯時自江南來使其不言則彼此俱不能識表兄自道其舊於是某哭表兄亦哭今年夏走復以尚書承遺禮闈而表兄又以聽調來京師且致我舅氏之命以先塋銘爲請切惟某自髫鬣與我外家別今四十餘年恒欲往省而不得今乃辱以不腆之文託之塋域則某平昔懸懸者或可少慰矣故不讓而爲援翰焉按許以國氏爰出炎帝姜姓世居濟南章丘之延安里高曾以上其仕其世屬金源氏易代之

逸無從考祖全和厚敏生植嘗典獄有

陰功享年七十三卒祖妣馬氏享年七十八卒
俱權厝武昌某原二子長克脩次某一女爲先
妣從大人封贈濟南郡夫人我舅氏字仲德克
脩其名精律學試吏總府綽有幹稱后由雲南
行省掾調廉州合浦縣尹再調象州路總管府
經歷二所皆炎荒遐徼民鳥獸難靖官政廢久
胥史所在橫甚我舅氏不以中外遐邇異心循
職當爲直前無所顧未再歲學興于鄉農力于
野盜不闖境而積年逋氓強屬來復獠俗爲之
丕變憲司宣閩爭上其能故再尹靜江古縣政

聞益著先是廣西兩江宣慰司幙官累以墨敗
其潔者徃徃不職使者病焉聞公前績遂辟爲
都事替上勗下裁剝裕如所部賴以寧救憲府
有訟輒移檄使決平心以理罪者自以爲不寃
在幙職三年宦意寢弛即以陽朔縣尹致政或
以未衰止之公曰吾早棄鄉壠蹉跎無定居桑
梓之心日深一日不及茲時還吾故都以畢吾
親襄事則吾他日將不能瞑地下矣或者聞而
賢之今七十有七神明尚不殺觀此則僕相見
之期庶幾可必矣娶高氏賢而能家三子長可

道即表兄今授承直郎湖州路推官次可權監
稅湖廣次畊道早世皆僕表弟云銘曰

世謂君子其概二焉有位曰貴有德曰賢位苟
隆盛而德弗稱彼則爲華識者攸病德則優矣
位弗酬矣我乃自如彼其羞矣猗我外祖殖德
奕世報雖未弘行則云備矧夫百里爲古侯封
名亞公爵其獲已豐孰云荒服恒遠王化而公
一臨不異中夏公未來思其暴虎狼亦旣戾止
乃馴若羊風紀訟牒日不暇給檄公代推纖忽
必折凡兩爲縣厥政孔良幙府載賓令聞益揚
他人有此必巧其宦詎肯方隆途止於半知足
不辱老氏有云以公概之爰信所聞沔彼繡泉
有山環峙碣此銘詩永穀來嗣

章丘楊氏先塋碑銘

凡游宦于江之南者無曰歲久與否徃徃利其
庶饒輒戀嫪忘歸於戲夫狐死正首丘者言不
忘其生存之地也人而忘其桑梓可乎至治癸
亥冬今鎮江路總管府同知致政楊君允過余
曰允旣冠從故叅知政事綉江張公服政于南
者殆四十年時同徃皆家於彼切獨不能安必

欲歸老鄉鄙然後爲無歎且我楊氏其先冀州
棗強人由避金季亂徙泰安自高祖又徙齊之
陽丘遂占名數濟南曾祖逸其字素孝友軫其
伯仲不後爲大塚暨其父合墓東頓丘唐業邨
今其地有塚二第弗知爲始祖伯邪叔邪兄邪
弟邪曾祖六子皆稽田不仕曰寶曰聚曰福曰
友曰善諱友者爲允大父善其義弟也爲族甚
蕃和孺共居者數世人稱爲義門楊氏大父三
子長琦次爲先君次甫先君諱良字君佐先妣
王氏享年俱及七旬卒自高祖至允凡五世矣

其子孫仕者無有而允也獨叨通貴殆祖宗殖
德而始萌芽於予茲將勒石先塋用迪我後人
敢再拜以銘辭請余聞而大其不忘本重以里
故遂諾焉不辭其高曾而下則見君所自列按
楊氏之先寔周武王第三子唐叔虞之胄至晉
出公遜于齊生伯僑歸周封爲楊侯因以國氏
周末有楊朱以辯聞列國降秦漢隋唐名世者
不乏入國朝爲公若卿者亦時有之君性藻潔
作事無巨麼必底規矩早學吏視符刺檄牘如
夙習由掾江浙行省秩滿尹慈溪不忍繩民以

法治尚寬恕人以佛目之嘗值大浸孳死載路
明越台皆然君白帥府駭聞行省獲發倉賑虞
未周又鐫豪室施錢如千患乃少弭邑中失火
延廟學君以身先衆將赴烈焰中會火自滅人
謂至忱所感再調台州路總管府經歷時 朝
廷遣使采訪諸道所至按黜無留貪台爲甚惟
君無毫髮及旣代授平江路推官吳俗輕生多
詭故聽獄爲獨難君一切以誠心求之故嘗得
其情僞竟任未聞一有寃者一日自以年及慨
然有返初服懷故都意即移文公府挈家而東
制授朝列大夫鎮江路同知致仕娶李氏前十
年卒一子名庭顯紹興路諸暨州儒學正女子
四皆適大家君今年七十有三神觀如五六十
者况年及不衰國制亦許仍仕而君所以徑歸
無所顧者其意若曰人於富貴利達知足者少
不嬰鉅厄則其心不灰今也歷艱難險阻四十
年幸而無虞復保桑梓則天之福我者已多又
可貪榮冒耻媚人矍鑠邪走謂老不忘其鄉仁
也退不佞於人義也久樂土而不流勇也表先
德以詔其后昆孝也一舉而四物具法宜銘銘曰

孤死首丘尚不忘本輕違生存而人奚忍所獲
幾何其失孔多人孰君賢矢心靡他始官于南
勢有未免浮華湍如山立無轉一留許年心惟
故阡白首鄉閭卒復我天自其上世舉農於隱
既匪既深乃發攸蘊其發伊何不專以位位宗
人庠適速顛墜有官能幾得名循良以是挈之
優劣甚明今焉桑榆力弗殺舊可灼彼蒼惟德
純佑頓丘義我兮上有林先世攸厝兮林之陰
勒銘樂石兮昭德音勿替有引兮子孫自今

山東都轉運鹽使劉公神道碑銘有序

至治初元走由參議中書省事得告省親濟南
時劉君潤甫爲鹽運使山東以嘗同掾丞相府
雅相好后聞寢疾過而省之卧與余語其容丰
澤若無恙者醫云形壯而脉不副非吉徵也未
幾竟以疾卒於其年十月二十有五日余往弔
之其孤光祖蒲伏泣請曰先君故與公同僚又
相好今也不幸又卒於公之鄉其遺善一二碑
諸墓道恃不泯滅者非先生是託其誰哉於是
走亦泣謹按君劉姓諱澍潤甫其字形纔中人
髯美而目威性開爽論事明白直枉令人易見

始由吏部掾轉宣徽若省翽翽號敏手大德九年丁母艱尋復丁父艱哀毀廬墓側

武宗城中都起主工部事訖工賜銀爲兩五十君曰職當爾辭遂陞奉訓大夫工部員外郎至大三年改奉議大夫同提舉萬億廣源庫是職以出納殺尾人多憚爲君曰世謂管庫之任易以汙人苟無所私適足以昭吾潔遂端身率下故自上至更迄無毫髮澆時銓曹訟不平者衆吏行或不敢夜甚則有見讎讐者中書病之奏君主吏部事其所陟黜人服其公延祐二年遷

朝列大夫遼陽省左右司郎中先是惠州民孫讓殺人賂長吏爲誤殺由赦而出君潛詢得情移官覆訊迄當以故方旱而兩人謂決獄所感五年入爲大都路同知階中順大夫俄拜監察御史未及有所論列改工部侍郎明年拜左司郎中屬 朝廷更化所入虞不給授山東轉運蓋使階中議大夫凡在職十有五月而卒得年五十有八世爲河南監山人其世祖有曰劉子戶者仕宋英宗朝享年八十卒於治平二年十月廿一日高祖文曾祖逸其諱第記鄰人以族

次稱爲六郎祖考金五子某某瑄爲君考居家
嚴享年六十卒贈朝列大夫秘書少監騎都尉
追封彭城縣伯母張從封彭城縣君公娶魏氏
封彭城縣君後公某年卒得年五十六二子長
諱榮祖仕至保定路總管府判官次爲光祖方
掾樞密聞父病即棄所事併日馳歸濟南侍湯
液人以賢孝稱銘曰

凡今吏學類深次骨孰是之遺而坦夷獨德哉
若人不俗於汨言無隱衷廓廓心腹聞彼選曹
貨所湊輻君掾其間毫髮靡黷歷院若省益思
自勗令聞孔彰多士攸伏尋宅親躡口不饅粥
於何自罰于墓言宿

天子孝之曰祿其復方城中都躬乃按牘落成
循墻云賞非欲

天子忠之遂紫其服聞人懷枉如己犴獄覩物
失所若已溝瀆於休是心雖古奚惡所以蒞官
荐膺景福入幙則風下車雨逐微天棊忱矣致
斯速惜夫冠豸未及邪觸俾久臬司可必廷肅
貳工未幾復贊鈞軸庶事一公鼎不虞覆出而
轉運入時且足方期賜環遽尔含玉甲子垂周

其孰云促有子肯構疇曰罔續矧復寵光存沒咸沐稽厥始終奚憾之蓄瞻彼鹽山有石雲矗琢此銘詩永后之告

濟南歷城縣侯氏先塋碑銘

維侯爲氏晉緡裔子孫列國簪組繼有居大梁夷門市被褐獨以氣高世列侯封君茂如視教然坐伏魏無忌至漢惟霸號循吏爲郡兩舉威與惠自是以衰代有位譜牒茫茫莫之系高祖金逸其諱官至明威聞外制世居考縣兵燹值避亂而東亦其勢三子不後者孟季仲其曾

西莊類書卷十九 九

祖聶其子男亦三惟記二曰元曰興咸不仕元配聶馮生子四林傑全三鼎足似曰光祖者出馮氏其父爲林寢昌熾術效白圭居貨利妣李若鄒內助治五子長亮季安次次禮次仁次斌弟各世其業引勿替諸女婉婉聽從備旣適名族稱中饋亮監管勾當會計繼陞德州稅司使非直儒通吏且邃所抱弘多未及試曰克敬者乃其嗣麴局提舉弘州莅階承務郎緋綬被位不滿能箱屈驥季安喜施性溫粹揮金傾接當世士不貨藩身藩以誼動爲交游輟車騎小

孟嘗聞月旦謂循名覈實諒無戾彼雖鉅萬縮
如蝟吐哉胡可同日議拜官同知和州事繇親
喜懼職隨棄春秋五十有六歲天不憖遺衆爲
喟軸折中途舟半濟水陸徒勞竟無遂謂老毛非
老毛稚非稚使假以年何可異其弟即仁仲賢字
幼而恒有老成氣每悼先塋缺述記嘗謂萬物
祖天地維人於先又奚異豺獾魚獸尚知祭昧
茲寧不慚物類遂於屯域營不置爲屏爲垣松
栢藝歲時梁盛必躬致手足皸瘃忘厥勤方謀
伐石表諸隧遽先朝露命非是友于賴斌克繼
志亦由耳聞目見異過我語我哽且淚父兄幸
託再世契敢以銘文爲子累走拜命辱中甚愧
肇農圃歸耗文思堅辭者再情愈銳擇重而書
略其細復借樹泉以爲譬欲泉之達必䟽滯欲
木之蕃固根蒂源如弗濬委將匱不本之培葉
斯瘁積善不善見諸易慶殃無不以類至此理
必然非有僞服善而行盖天畏今君追遠如始
瘞使賢者興愚者礪顧余何敢骫骳避因變其
文泉壤賁况古人於碑若誌本以題名與牲麗
后來履歷亦附綴徃徃鋪張坐辭費以頗爲端

佞爲智文過於華實則未盖由作者利其賜因
之馳騁所有藝奚暇深虞失初意維歷城西山
矗翠有蔚其塋樹林庇齊東野人挾其秘字字
有徵非死媚庶千萬齡永昭示

真定栢鄉董氏先塋碑銘

歲旃蒙赤奮若日南至吏部尚書董君仁甫訥
自京師走書歷下謂友人張某肇公邁迹丘園
倏五襪許企風仰烈殆無虛朝巾車旣東黍稷
叨渥凡四轉官始繇江西憲副召拜吏部侍郎
未幾又拜左司郎中今焉待罪吏部顧何及人

負且乘乃爾揆諸涯分爲慙益深比者吾祖父
父有司考儀光啓郡封爵及三代天休寵錫存
沒惟均微祖宗潛行冥功有開于先矣其致茲
將表石先塋用本福德所自謀諸多士僉曰厲
厥筆者莫公爲宜敢緣舊奉事狀兼幣重沐九
頓首肅使者以請某故嘗與公同官乃反幣受
狀爲撰次焉按董氏系出軒轅至虞舜有曰某
者性好龍龍多與習遂以豢龍事帝春秋時狐
以良史見稱孔子厥後繼而仕者史代有人曾
大父諱增薦學斤斤自脩子男三孟曰貞仲曰

成季元即尚書君之祖贈亞中大夫順德路總
管輕車都尉追封趙郡侯沉鷲有力以仁孝得
鄉里心罹金末亂二兄辟外獨家居養親雖處
兵間能力珍羞以適其志盜至即擒縛歐垂死至
哀祈改過乃釋之遠邇龍膏聚落恃以無擾事
定悉推田宅與昆弟族人其厚於倫理蓋天性
然至元二十一年雲州置銀場官發民數百爲
工命公衛送比至無一工軼者會銀場罷
朝廷以見民歸

皇后俾歲輸綿宮中仍以公領之歲餘即辭歸

課諸子致力問學暇則教以穡事且經且誦敦
本實而拊厥華靡里或有訟率不白縣決平其
言以恚至者以懌歸以負至者以償歸甚則有
望其門而返中途者嘗語人吾蚤屬時多虞爲
勤百至旣長始克休息然平生未嘗食言於人
失行於己慚德於天吾子孫或有奮他日者享
年七十有五以至元廿九年某月日終正寢鄰
郡聞喪相弔及葬執紼泣送者至二千餘人路
於祭者且數百幄近代公侯之喪未有若是得
人夥者昔李廣卒太史公謂天下聞者皆悲嘗

以爲過以今徵之猶信嗚呼亦豈所謂桃李無
言下自成蹊者耶塋某邨先塋妣夏氏追封趙
郡夫人內德惟稱享年九十有六一日前諸子婦
輦曰婦德以順爲本內能順夫外能順族行之
以不欺濟之以不妬壽將自延我所以年期願
者職此今命當終其無憾矣有頃而卒以某年
某月日祔順德君之兆子男四進和福祐進以
子貴封嘉議大夫禮部尚書上輕車都尉趙郡
侯中扃敏茂外斷斷若無能或犯且負雖百不
一校由其子訥周踐其臺閣愈益務自貶損人不

知爲官門昆弟三人皆循愿相友甚妣趙氏淵
淑柔惠克服家訓今春秋俱垂八袞神觀無少
衰則董氏之先儲休蘊懿源深委長者兆于斯
矣矧尚書君忠直有器幹比奉使山北課畝諸
道方器用於時其所至殆未艾子貴法宜銘銘曰
維福若德兩有孔艱德崇維人福天所閔德苟
崇矣福斯鼓矣謂天人殊影響從矣於休董氏
代有陰隲于前弗昭繫後之赫金季俶擾盜起
蝟如民命毫芒遑恤室家惟公屹然砥柱弗動
有闡其疆隨意擒縱用是百里奠枕胥安徵公

之英幾何不殘計茲所活奚千億宮厥報有歸
亦勢必至譬彼農者穉藜必年力如弗周獲亦
靡堅宜爾嗣孫由儒而奮厥聲隆隆其臺閣增峻
左司爲職士恒罔肩非才精強則易以顛於焉
恢恢他可坐治欲觀人能莫的於是矧厥攸進
川至未涯台衮之膺伊邇匪遐洪惟國經酬庸
以爵三代疏封可曰殊渥子焉克孝臣焉克忠
宜先之靈覆露厥躬潯水之陽厥兆城許何以
賁之錄此石語

濟南姚氏先德碑銘有序

雲莊類稿卷十九

十四

姚虞舜之胤也舜生姚墟子孫因其地以氏也
春秋鄭大夫勾耳漢諫大夫平唐梁國公崇宋
太尉麟其族之尤著者也國初有諱成者拳勇
閑騎射繇避金末亂自寧海來亳懿瓦合於俗
人未之竒也一日群行郊外一人持弓矢誇衆
公縮縮若無能也俄而三兔歛起叢薄間弓者
射不能一公取其弓連三散三中衆始訝其能
武也后至濟南二州民恃爲扞援聚而從者幾
千人公弗能止也因曉衆曰我漢人也材微勢
孤將不能汝庇萬一爲人疑是公等反禍我也

聞今燕只國王中朝貴胄甚德而度可往歸也
遂率其衆見之王喜甚承制署軍民元帥尋聞
於上錫以金符旌其忠也未幾 朝廷黜減諸
侯王官屬遂歸其符節合族退歸鄒平之匡鎮
或惻其中廢公處之怡然也后因占名數濟南
以天年終娶趙氏三子諱貴者其長諱德諱又
者其季也貴事東諸侯張宏爲郎君郎君者當
時親近之稱也侯愛其沉默淳慤信任之人莫
能間也居嘗遠貨利友二季極和孺周親屬貧
及人急出所有不計也由是鄉鄙一辭曰姚郎

君善人也義人也嘗遇一道士傳秘方療瘡瘍
無衰壯可必其愈也遂居其藥四方求者不遠
千里絡繹踵門雖徒手無不給也享年八十卒
於里第正寢實至元某年某月日也娶張氏三
子長允中仲德山東永阜鹽場管勾以親老便
養也次用中彥德次行中 德用中與余游相
善也由掾江浙省入爲群牧司照磨內宰司典
簿徽政院都事經歷內宰丞此皆出入禁近或
兼內帑人所憚爲之職也君恭慎詳密不大聲
色所任克荷不知其爲艱且劇也其居微幙權

臣帖木迭兒聲勢張甚附者立致華要數密召君
君策其必敗不屑也俄出爲龍興路富州尹階
中議大夫富在江西劇郡也先是爲州者往往
墨敗君自上絲餽縷謁則亦無自入也民訟隨
決不鉗以威惟善導義諭期於安靜非頑弗率
泰甚者未嘗麗於辟也期年闔境皆化服蓋其
存心仁恕循良之政有以深洽于人故也初廟
學歲久寢弛虞無以稱瞻仰也乃葺而新之且
刻祠爲七十二賢及從祀諸儒像兩廡凡七十
餘楹工夥役鉅未半載落成衆皆不以爲勞也

瓜將及不幸遘疾民函香走望至有祈以身代
者雖子爲親有不若是之懇也旣稍間即移文
而歸士民書帳頌德遮拜車前且泣且留以壺
飧祖者從百餘里不釋也君亦悲不自勝及別
慰之曰父老良苦微吾病其忍舍女以去天若
我憐他日或復臨此未可知也至其鄉月餘尚
居內未勿藥也命表姪潘適偕其友蔡君珣致
言於余曰用中百不逮人然致茲通顯者繫祖
宗賴也由轉仕南北先世之兆久而未營非敢
緩於報本蓋將有所待也日命堪輿家相地得

於歷城西南十餘里洪山之陽從吉卜也儻公
惠顧前好厚貺以文勒之金石非惟存者拜嘉
昭昭而沒者亦將骨冥冥也走與中議君皆
濟南家也其仕京師也走爲吏部君叅議徵政
且同時也况其志在顯親又重以蔡請皆所不
敢辭也銘曰

夫士之取功名以自拔於寒微者匪獨恃其才
之竒盖亦由夫遭際之有時也際其時匹夫可
以揚天達不然雖有豪傑之姿者曾不能枳棘
棲也夫以寧海公之雄武使其將虎貔以藩邊

陞詎不足以敵王所愾鼓而不罷與英衛褒鄂
之流並馳也惟其足甫展而半途以羈之所以
弗克究其施盡其才也雖然位不稱德者後必
達前人之辭固有稽而無疑也宜乎子孫奕世
襲芳承輝以神術惠政福黔黎於無涯也嗚呼
后之觀於斯者其惟善之孜孜毋謂天與人違
漠然不吾知也



